



BOSNIA AND HERZEGOVINA
Ministry of Human Rights and Refugees

Broj: JN-01-16-4-6-14/25

Datum: 10.04 2025. godine

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“ broj 32/02 i 102/09), člana 69. stav (1) tačka b), stav (2) tačka d) i člana 70. stav (1) i (4), Zakona o javnim nabavkama („Službeni glasnik BiH“ broj 39/14, 59/22 i 50/24), na Preporuku Komisije za nabavke, broj: JN-01-16-4-6-12/25 od 4. 4. 2024. godine, u postupku nabavke usluga servisiranja vozila (lot2), donosi sljedeću:

ODLUKU
o poništenju postupka javne nabavke usluga servisiranja vozila – LOT 2

Član 1.

Poništava se postupak javne nabavke pružanja usluga servisiranja vozila (LOT 2 - vozila unutar garantnog roka za marku PEUGEOT) iz razloga što nema prihvatljivih ponuda.

Član 2.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđaču koji je sudjelovao u postupku javne nabavke, u skladu sa članom 70. stav (4) i (6) Zakona o javnim nabavkama.

Član 3.

Za izvršenje ove odluke se ovlašćuje i zadužuje Sektor za opće, pravne poslove i finansijsko-materijalne poslove Ministarstva za ljudska prava i izbjeglice BiH.

Član 4.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka nabavke usluge servisiranja vozila, broj: JN-01-16-4-6-1/25 od 3. 3. 2025. godine. Javna nabavka je provedena putem konkurentskog zatjeva za dostavu ponuda za nabavku usluge servisiranja vozila. Procijenjena vrijednost javne nabavke (lot2) je 6.410,26 KM bez PDV-a, odnosno 7.500,00 KM sa PDV-om. Obavještenje o nabavci, broj: 679-7-2-4-3-21/25 dana 4. 3. 2025. godine i izmjena obavještenja broj: 679-7-2-4-8-23/25 dana 12. 3. 2025. godine je objavljeno na Portalu javnih nabavki. Tenderska dokumentacija, broj: JN-01-16-4-6-2/25 od 4. 3. 2025. godine. Komisija za nabavke imenovana je Odlukom broj: 01-02-2-272-1/25 od 5. 2. 2025. godine.

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda, broj: JN-01-16-4-6-11/25 od 4. 4. 2025. godine, Preporuku o poništenju postupka, broj: JN-01-16-4-6-12/25 od 4. 4. 2025. godine i Izvještaj o radu, broj: JN-01-16-4-6-13/25 od 4. 4. 2025. godine, u postupku nabavke usluga servisiranja vozila (lot2).

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku zaprimljena ukupno jedna (1) ponuda;
- da je blagovremeno zaprimljena jedna (1) ponuda;
- da nije bilo neblagovremeno zaprimljenih ponuda;
- da je ponuda ponuđača AC BLOK d.o.o. SARAJEVO, Iliidža nepravilna u skladu sa članom 2., tačka l) podtačka 3), Zakona o javnim nabavkama („Službeni glasnik BiH“ broj 39/14, 59/22 i 50/24).

AC BLOK d.o.o. SARAJEVO, Ilidža

Ponuda ponuđača AC Blok d.o.o. Ilidža, Sarajevo, se smatra nepravilnom u skladu sa članom 2., tačka 1) podtačka 3), Zakona o javnim nabavkama („Službeni glasnik BiH“, broj 39/14, 59/22 i 50/24). Naime, navedeni ponuđač nije postupio u skladu sa Izmjenama i dopunama tenderske dokumentacije broj JN-01-16-4-6-3/25 od dana 12. 3. 2025. godine i u okviru svoje ponude nije dostavio korigovani Aneks 1 – Obrazac za cijenu ponude i korigovani Aneks 7 – nacrt Okvirnog sporazuma, a koje je bio dužan da dostavi u sklopu ponude. Također nije dostavio na ispravan način dokaz iz izmjene tenderske dokumentacije, za tačku 2.4. „mjesto pružanja usluge“ – cestovna udaljenost servisa ponuditelja do 15 kilometara od sjedišta ugovornog tijela. Kao dokaz se traži:

Izjava pod punom moralnom, materijalnom i krivičnom odgovornošću potpisana i ovjerena od strane ovlaštenog lica ponuđača, a u kojoj je navedeno da ponuđač ima na raspolaganju (u vlasništvu ili po drugom osnovu – Sporazum ili Ugovor) najmanje 1 servisni prostor koji se nalazi na cestovnoj udaljenosti do 15 kilometara od sjedišta ugovornog organa“.

Ponuđač u dostavljenoj Izjavi nije naveo „pod punom moralnom, materijalnom i krivičnom odgovornošću“.

Iz Tenderske dokumentacije 3.4 „U slučaju da se u ponudi ne dostave dokazi iz ove TD ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju“.

Komisija je nakon uvida i pregleda zaprimljene ponude zauzela jednoglasan stav da ponuda ponuđača AC Blok d.o.o. Sarajevo, nije u skladu sa tenderskom dokumentacijom, nije potpuna jer ne ispunjava zahtjeve iz tenderske dokumentacije, ista se odbacuje u skladu sa članom 68. stav (4) tačka i) i j) Zakona o javnim nabavkama („Službeni glasnik BiH“ broj 39/14, 59/22 i 50/24) i neće biti predmet daljeg razmatranja.

U postupku donošenja ove Odluke, posebno su cijenjene činjenice da je Komisija za nabavke pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Uzimajući naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.



Dostaviti:

- Ponuđaču,
- Sektoru za opšte, pravne i finansijsko-materijalne poslove,
- a/a.